



Saksprotokoll

Organ: Fylkesutvalet

Møtedato: 21.11.2018

Sak nr.: 18/7945-3
Internt I.nr. 52945/18

Sak: 133/18

Tittel: **Hywind Tampen - Høyring av forslag til utredningsprogram for konsekvensutredning**

Behandling:

Frå fylkesrådmannen låg det føre slik tilråding til vedtak:

Sogn og Fjordane fylkeskommune vel å konsentrere fråseguna rundt samfunnsmessige ringverknadar gjennom følgjande kommentarar.

- 1) Sogn og Fjordane Fylkeskommune vil i samband med prosjektet be lisenshavar, saman med styresmaktene, om å sjå på moglegheitene som kan ligge i ytterlegare elektrifisering på Tampenområdet og i Nordleg Nordsjø elles, gjennom etablering av overføringskapasitet frå fastlandet. Slik overføringskapasitet vil vere viktig infrastruktur ved ev auka produksjonsvolum offshore og for å sikre tilstrekkeleg og stabil effektleveranse til dei installasjonane det er aktuelt å elektrifisere. Ein bør vidare vurdere om det finnest ev. synergiar knytt til overførings-kapasitet til UK, og om ein slik kabel med fordel bør byggjast så langt nord som mellom Sogn og Fjordane og Shetland – Skottland.
- 2) Aktiviteten på Snorrefeltet er svært viktig for olje- og gassverksemda i Flora og i Sogn og Fjordane elles. Godkjenning av Snorre Expansion Project stadfesta denne posisjonen. Vi vonar at dette vil danne mønster også når det gjeld ev. realisering av Hywind Tampen, og vi ber om at planar for forsyningar og driftsstøtte vert synleggjort i konsekvensutgreininga.
- 3) Potensialet for offshore vind på norsk sokkel er stort, og dette kan verte eit viktig satsingsområde framover. Det bør leggjast stor vekt på informasjon til og involvering av leverandør-industrien – deriblant leverandørane i Sogn og Fjordane – slik at desse får best mogleg føresetnad for å levere konkurransedyktige tilbod. Vi ber om at konsekvensutgreininga synleggjer korleis denne utfordringa kan løysast.

Endringsframlegg:

Aleksander Øren Heen sette fram slikt framlegg til endring av punkt 1 i tilrådinga frå fylkesrådmannen: Siste setning i punkt 1 går ut.

Avrøysting:

Tilrådinga frå fylkesrådmannen, med endringsframlegget frå Heen, vart samrøystes vedteke.

Dette gir følgjande endeleg vedtak:

Sogn og Fjordane fylkeskommune vel å konsentrere fråseuna rundt samfunnsmessige ringverknadar gjennom følgjande kommentarar.

- 1) Sogn og Fjordane Fylkeskommune vil i samband med prosjektet be lisenshavar, saman med styresmaktene, om å sjå på moglegheitene som kan ligge i ytterlegare elektrifisering på Tampenområdet og i Nordleg Nordsjø elles, gjennom etablering av overføringskapasitet frå fastlandet. Slik overføringskapasitet vil vere viktig infrastruktur ved ev auka produksjonsvolum offshore og for å sikre tilstrekkeleg og stabil effektleveranse til dei installasjonane det er aktuelt å elektrifisere.
- 2) Aktiviteten på Snorrefeltet er svært viktig for olje- og gassverksemda i Flora og i Sogn og Fjordane elles. Godkjenning av Snorre Expansion Project stadfesta denne posisjonen. Vi vonar at dette vil danne mønster også når det gjeld ev. realisering av Hywind Tampen, og vi ber om at planar for forsyningar og driftsstøtte vert synleggjort i konsekvensutgreiinga.
- 3) Potensialet for offshore vind på norsk sokkel er stort, og dette kan verte eit viktig satsingsområde framover. Det bør leggjast stor vekt på informasjon til og involvering av leverandørindustrien – deriblant leverandørane i Sogn og Fjordane – slik at desse får best mogleg føresetnad for å levere konkurransedyktige tilbod. Vi ber om at konsekvensutgreiinga synleggjer korleis denne utfordringa kan løysast.